

Henz Huzminzgoh Singfwen Yiengj Fwencuengh Goksa Hawj Vunz Maez

民歌湖畔歌声起 壮歌唱得千人迷

Bonjbauq siusik(gicej Cau Dwzfeih) Ndwen 10 ngoenz 29, aen vanjvei geiqniemh Gozvuyen fatdingh 《Fueng'anq Sawcuengh》60 hopbi caeuq cienciengz langhbaij gij cingzgoj Namzningz Si minzcuz vwnzva “sam haeuj” hozdung youq aen daizheiq Namzningz Huzminzgoh banh. Vanjvei yienhciengz ciengqgo diuqfoux, cezmuuz ndei yawj raixcaix, yinx ndaej ca mbouj geijlai 2000 boux vunz daengz dieg yawjngonz vanjvei. Vanjvei langhbaij le gij hong Sawcuengh Vahcuengh Namzningz caeuq gij cingzgoj minzcuz vwnzva “sam haeuj” hozdung aeundaej haenx, yienh'ok gij simcingz angqyangz lwg Mbanjcuengh angqhoh Cibgouj Daih dangj hai ndaej ndei.



▲ Bouxyienj youq gwnz daizheiq angqyangz eu fwen.



▲ Bouxyienj ciengq 《Goreux Hai Va Couh Dauq Ranz》.



▲ Hagseng lauxsae caez boq minzcuz yozgi bahvuh.

Yungzanh:

Minzcuz Yozgi Ndawhag Langhbaij Funghcaij

融安:民族乐器校园展风采

10 nyied 25 hauh, Yungzanh Yen Daihngaih Sizyen Siujyoz gawjhengz daih 50 gaiq denzging yindungvei cawjdaez dwg “go laex guh dazyinx, riengz siengjmuengh byaijbae”, gyoengq hagseng youq gwnz haimuqsik boq minzcuz yozgi bahvuh, foux bahvuhcauh daengj biujyienj, caenh'itbough hungzyangz caeuq swnjcienz minzcuz vwnzva, daezswng minzcuz gag-saenq, vwnzva gagsaenq.

Gaenh geij bi neix daeuj, Yungzanh Yen Daihngaih Sizyen Siujyoz dawz swnjcienz Cunghvaz conzdungj vwnzva danguh cujyau neiyungz daegsaek gyauyuz, gonqlaeng hai guh le minzyoz, vwnzcangz, caijdiu, geizciengh, dwkgienz daengj 10 geij aen hanghmoeg daegsaek gocwngz, caenh'itbough swnjcienz conzdungj vwnzva, ciuyinx ndaej haujlai lwgnyez daeuj hagsib daejniemh.

(Danz Gaijhingh/谭凯兴)

Lozcwngz:Bouxlau 60 Bi Doxhwnj Daiq Vahoengz Angq Gvaq Gouj Nyied Cogouj

罗城:60岁以上老人戴红花欢庆重阳节

10 nyied 26 hauh, gouj nyied cogouj yaek daengz, Lozcwngz Mulaujcu Swciyen Denhhoz Cin Denhhoz Segih, iucingj aen segih neix bouxlau louzyouq 60 bi doxhwnj caeuq Denhhoz Cin bouxsimndei youq rog guhhong haenx 1000 lai vunz daeuj camgya aen segih neix youq diuz gai Cunghsanh gawjhengz Bi 2017 gouj nyied cogouj hozdung.

Ciuq cam rox, mbat hozdung neix dwg youz Denhhoz Segih “song vej” ganbu fat hwnj, aeu fat cangyisuh hingzsik yiengq segih sojmiz bouxsimndei fat hwnj angq gien cangyi, sou comz hozdung cienzngaenz, caez vih segih vunzlaux angq hoh aen ciet gouj nyied cogouj, hawj gyoengq vunzlaux segih cietsaed gamjsouh daengz gij raeujrub daihgya.

(Liu Gvanghfuz/廖光福)



▲ Bouxlau 60 bi doxhwnj haenx caeuq gyoengqvunz youq rog guhhong haenx caez gvaq gouj nyied cogouj.

Dasinh:Citheiq Haeuj Hagdangz Hagseng Yawj Heiq Angqvauvau

大新:戏曲进校园学生享“大餐”



▲ Goengq hagseng yawj heiq yawj dwk meihmwd bae.

10 nyied 30 hauh, Dasinh Yen aen “cibungzhung” “heiq haeuj hagdangz” aeu “hungzyangz conzdungj vwnzva, yawj gij yinx citheiq” ma guh cawjdaez haenx hai haeuj aen yienh neix Dauzcwngz Cin Daih'it Siujyoz. Gyoengq yenjyenz biujyienj ndei yawj, ndaej daengz 2000 lai boux hagseng lauxsae youq yienhciengz haenx bekfwngz roebroeb, hix ndaej sawj gyoengq hagseng lauxsae ndaej cimz “feihdauh” donq ngaiz citheiq cihsiz he.

(Liengz Gveivah/梁桂花)